

Le dotur Eduard Agreiter é demez de novëmber dai 2, dedemesaledema, cina ai 7, lönesc (lapró) y vëgn sostituì dala doturia Grete Mahlknecht 349 06 67 034

I ofizi de comun restará stluc en lönesc, ai 31 d'otober.

L'aministrazion de comun reingraziëia dër bel siur curat Heinrich Perathoner, le Cor de dljia, la Musiga y duc i atri y i voluntars che á porté pro al abeliment dla festa de reingraziamënt ai voluntars dla proteziun zivila.

Les incuntades dl'Aministrazion de comun cun la popolaziun gnrá tignides tl meis de novëmber chisc dis:

- ai 10/11 (jöbia) a Antermëia dales 20.00 tla palestra
- ai 14/11 (lönesc) a Lungiarü dales 20.00 tla palestra
- ai 16/11 (dedemesaledema) a S. Martin dales 20.00 tl salf dl Istitut Ladin.

L'implant de reziclaje Alfur sará davert en dedemesalema/mercui, ai 2 de novëmber dales 9.00 ales 11.00 impede en dedolönesc (Gnissant).

SAN MARTIN

I recordun nüsc defunc dl ultimo ann: siur Franz Sottara, Hermann Burkia, Otto Erlacher, Maria Planatscher Trebo, Angelina Vanzi Baldissera, Ida Rubatscher Erlacher y Maria Grünfelder Flöss - Ai paises tla pesc de Dî.

Ai 13 de novëmber tignunse la festa de San Martin. Do mëssa é döta la popolaziun inviada ia tl salf dl Istitut, olach'al sará na incuntada cun le Consëi de Cöra: al vëgn dé val' informaziun fora dla vita dla cöra y dedò él l'ocajun da fá domandes, conscideraziuns, proposte y critica costrutiva. Al vëgn ince arjigné n pice buffet, dötes les families é periades da porté val' da mangé dan mëssa sö te Istitut. Gnide tröc y tröpes, la vita dla cöra nes reverda duc!

La Comisciun por la Cortina recorda che, aladò dl regolamënt varënt, ól ester na autorizaziun por mëte sö na fossa y döt ci che alda lapró. Porchël él - denanche l'aposté - da presenté n pice dessëgn ala presidënta dla comisciun por la cortina o a Leo Crepaz. Sön le dessëgn mësson odëi les mosöres y sciöche la fossa vëgn a ciaré fora. La comisciun dará spo l'autorizaziun de instalaziun. Präibel ti comuniché adora assá al mone Hubert la data de instalaziun

LUNGIARÜ

Orun tignì alt le recort de duc nüsc defunc, y stlùje ite te nostes oraziuns cis i defunc dl ultimo ann: Isidoro Clara, Marino Clara, Emilia Frenes ved. Nagler y Ida Nagler vëd. Clara.

Les domënies ne sará nia ma la Monica che acompagnëia i mituns do mëssa cun la reverënza fora de dljia, mo ince l'Anita. A trames n präibel y n bel dylan!

Döt le bun a chi che complësc i agn de novëmber

- Ida Frenner che nen complësc 82 ai 2
- Pire Graffonara che nen complësc 90 ai 8
- Loise Ploner Unterweger che nen complësc 86 ai 15
- Ida Aiarei Moling che nen complësc 84 ai 29
- Teresa Pedevilla Flöss che nen complësc 94 ai 29



Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



30.10. - 06.11.22 n. 49

ultimo termo por comunicaziuns: jöbia, dales 20.00

<https://www.valbadiaonline.it>

31^a DOMËNIA IA POR L'ANN C GNISSANT - DE DLES ANIMES

Vangele do Lüca 19,1-10

..... Zacheus é salté danfora y é jü sön n lëgn da fighi, por odëi Gejù, che dô passé dailò. Canche Gejù é rové dailò, àl ciaré sö y ti à dit: Zacheus, vi debota jö, deache incö mëssi storje pro te túa ciasa. Sön chëra él gnü debota jö y à tut sö Gejù cun ligrëza pro d'ël. Canche la jënt â odü chësc, se lasciâi sö y dijô: Al é stort pro da n piçiadù.

⁸Mo Zacheus ti é jü pormez a Gejù y à dit: Signur, le mez de mi avëi ôi ti dè ai püri, y sc'i à ghiré da zacai de massa, ti dài derevers cater iadi tant. Dailò ti à Gejù dit: Incö ti él gnü scinché la salvëza a chësta ciasa, ciödiche ince chësc chestian é n fi de Àbraham. Deache le Fi dl Om é gnü a chirì y a salvè ci che ê pordü.



Pro n tal ó Gejù storje pro? Al ó tò sö contat impara, fá conferta impara, conëscë súa vita, magari imparé val' da d'ël.

Ester ghest pro zacai é val' de bel, normalmënter vëgnon tratá bun.

Mo al pó ince sozede ch'an ne vëgn nia tuc sö sciöch'an oress, ch'an ne ciafa nia l'atenziun de chëra ch'an á debojëgn, ch'an é de püra jënt y ch'an n'é nia bëgnodüs.

Ester ghesc pó ince significhé ch'an é foresc tla ciasa te chëra ch'an vá.

Ester ghest o tò sö n ghest é val' de riscant, an ne sá nia ci ch'an pó s'aspeté.

Gejù ó jí a ciafé Zacheus, y bele "incö", sciöch'al n'aspetass nia l'ora da l'incunté. Na incuntada che trami se dejidreia, che mudará forsc le comportamënt de trami. Te vigni manira pê trami arjigné da s'incunté veramënter.

Chr. R. MC

EDEMA	SAN MARTIN	LUNGIARÜ	 I periun do l'intenziun dl Papa tl mëis de novëmber <i>I periun por i mituns che patësc, dantadöt por chi che n'â nia n daciasa y che é vitimes de veres, por i orfans, ch'ai pois jì a scora y imparé n mistier y ais la fortüna da ciafé la proteziun de na familia che s'un tol sura.</i> GNISSANT La mosöra dla santité y la mosöra dles beatitus é la medema. Porchël passenëia le vangele dles beatitus ince tan bun pro la festa de Gnissant. La mosöra dla santité y la mosöra dles beatitus é l'amur. Beat é chël che ó bun. Y sant devënta chël che ó bun. Tan scëmpel y tler che chësc é! Chiló n'ól nia ester de gran interpretaziuns y prozedöres lunges cina che un vëgn detlaré sant. Chël che ó bun sëgn y chiló é bele beat y sant.  DE DLES ANIMES Ala verité, che n de jarára ince cun me a fin, n'âi nia dër dlaurela da ponsé do, tla prescia de mia vita. Mo incö m'archîti te chësc tëmp che passa ia. Le De dles Animes ó ti fá n plajëi a mi pinsiers. I dess m'intëne: Al é n miraco ch'i sun chiló. Chiló y sëgn, por intant y nia por dagnora. Deach' i sun de zacai che me lascia vire.
30.10.22 31ª Domënia ia por l'ann C ora da d'invern	9.00 Corona 9.30 Gran Mëssa por la comunité dl ann + Caterina Ferdigg Moling, Gröpa + + proi y ploans de nosta valada de rengraziamënt dles cõghes de calonia	7.50 Corona d'otober 8.15 Gran Mëssa por la comunité de rengraz. a siur Heinrich Videsott 15.00 Corona tla capela Ojöp da Oies	
31.10.22 Lönesc Iuta, Notburga			
01.11.22 Dedolönesc GNISSANT	9.30 Corona 10.00 Mëssa solëna en onú di Sanc + siur Franz Aiarei (dl ann) 15.00 Mëssa da Requiem y comemoraziun di morc 18.30 Rosare por i defunc	9.50 Corona 8.15 Mëssa solëna en onú di Sanc 13.30 Öspi da festa y vijita te cortina 19.30 Corona por i defunc	
02.11.22 Dedemesaledema DE DLES ANIMES Angela, Tobia	08.00 Mëssa da Requiem dl ann + Giovanni Tavella, Pice Vijita te cortina	19.00 Corona por i defunc 19.30 Mëssa da Requiem dl ann + Giovanni Costa + Nando Clara + Marino Clara Vijita te cortina	
03.11.22 Jöbia Hubert, Silvia	7.30 Mëssa + Iarone Rubatscher + Sepl Flöss d'Arzó Corona por vocaziuns	19.30 Corona por i defunc	
04.11.22 Pröm vëndres Carl Borromeus, Reinhard	domisdé Provijiun di amará 18.30 Adoraziun chîta 19.00 Mëssa + Ida Dariz + + dla fam. Albert y Oliva Costabiei	7.30 Mëssa + + Pio y Pire Mischi dedo Adoraziun al Cör de Gejú danmisdé Provijiun di amará 19.30 Corona por i defunc	
05.11.22 Sabeda Zacaria y Elisabeta	19.30 Mëssa prefestia de reng. families de Martin y Milia Rives de reng. de Stefanie y Marco Moling por i benefaturs vis y defunc	18.00 Mëssa prefestia + Emilia Frenes + Lidvina Costa	
06.11.22 32ª Domënia ia por l'ann C	7.50 Corona 9.30 Gran Mëssa por la comunité por i Tomá te vera dl ann + Maria Dapunt Erlacher dl ann + Franz Conrater, Ciapin 11.30 Bato de Valire Dejaco	7.50 Corona por i defunc 8.15 Gran Mëssa por la comunité por i Toma te vera en onú de S. Ojöp Freinademetz	
Invit ala preparaziun dl Bato a S. Ciascian te calonia en sabeda ai 5/11, dales 15.00; prenoté 334 32 00 396			